



## **Universitätsbibliothek Paderborn**

### **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. IX. De Canone post Consecrationem usque ad Orationem Dominicam.

[urn:nbn:de:hbz:466:1-48307](#)

so in thuribulum absque benedictione. **R**eposito Calice Diaconus redit ad librum, nisi aliis assistat. Cæteri surgunt, & stant in suis locis.

K. Quæ etiam elevantur, quando Celebrans Hostiam & Calicem elevat.

L. Nisi alicubi consuetudo habeat, ut statim post elevationem referantur ad Sacristiam, maximè in generali Communione, in qua ipsi etiam Acolythi communicandi forent.

M. Id est, in infimo gradu, & in medio Altaris post Celebrantem, uti Gavantus lit. R. notat; qui etiam lit. Q. monet, ut Diaconus, si pyxis cum Hostijs consecratis adsit, ipsam detegat, & propè Hostiam in consecratione collocet, iterumque post Hostiæ elevationem cooperiat, & in pristino loco deponat. Dum verò Celebrans Sanguinem consecrat, Diaconus adstare ipsi debet ex Alexandri VII. decreto.

N. Scilicet semel, cùm adoratur Hostia; & altera vice, cùm elevatur; & tertia vice, cùm deponitur; atque eodem modo, dum Calix elevatur.

### TITULUS IX.

#### DE CANONE POST CONSECRATIONEM VSQVE AD ORATIONEM DOMINICAM.

I. **R**eposito Calice, & adorato, Sacerdos stans ante Altare extensis manibus ante pectus, dicit secretò *Vnde & memores*, Cùm dicit *de tuis donis ac datis*, jungit manus ante pectus, & cùm dicit *Hostiam puram, Hostiam sanctam, Hostiam immaculatam*, manu sinistra posita super Altare intra Corporale, dextrâ signat ter communiter super Hostiam & Calicem, & semel super Hostiam tantum, & super Calicem tantum, dicens *Panem sanctum vitæ æternæ, & Calicem Salutis perpetuæ*. Deinde stans, ut prius, extensis manibus prosequitur *supra quæ propitio*. Cùm dicit *Supplices te rogamus*, inclinat se o. ante medium

Alte-

Altaris, manibus junctis super illo positis p. Cùm dicit ex hac Altaris participatione, osculatur Altare, manibus hinc inde super Corporale positis. Cùm dicit *Sacrosanctum Filij tui*, jungit manus, & dexterâ signans semel super Hostiam tantum, & semel super Calicem, sinistrâ super Corporale positâ, dicit *Corpus & Sanguinem sumpseris*: & cùm dicit omni benedictione cœlesti, seipsum signat à fronte ad pectus signo Crucis, sinistrâ positâ infra pectus, & prosequitur *Et gratia repleamur*. Cùm dicit *Per eundem* jungit manus.

O. Profundè, uti in Ordine Missæ expressè habetur.

P. Non ut tota manus super Altare ponatur, uti non pauci faciunt, sed ut prioribus quatuor digitis super Corporale positis, duo postremi parvi digitii frontem Altaris tangant, quemadmodum sat claris verbis Rubricæ tit. 4. n. 1. indicant.

II. Cùm dicit *Memento Domine Famularum, Famularumque tuarum*, extensis & junctis manibus ante pectus, & usque ad faciem elevatis, q. & intentis oculis in Sacramentum super Altare, facit Commemorationem Fidelium Defunctorum, de quibus sibi videtur, eodem modo, ut dictum est de Commemoratione Vivorum. Quâ Commemoratione facta stans, ut priùs, extensis manibus prosequitur *Ipsis Domine, & omnibus in Christo &c.* & in fine ad *Per eundem* jungit manus, & caput inclinat.

Q. Fortè particula copulativa & loco particulæ disjunctivæ vel substituta est, cùm in Commemoratione Vivorum jubeatur Celebrans manus junctas ante faciem vel pectus tenere.

III. Cùm dicit *Nobis quoque Peccatoribus*, vocem aliquantulum elevat, r. & dextra manu pectus sibi percutit s. sinistra manu super Corporale positâ,

sitâ, & prosequitur secretò Famulis tuis stans manibus extensis, ut priùs. Cùm dicit *Per Christum Dominum nostrum, per quem hæc omnia, Domine, semper bona creas*, jungit manus ante pectus: deinde dextra manu ter signans communiter super Hostiam & Calicem, dicit *Sanctificas, vivificas, benedicis, & præstas nobis*. Postea discooperit manu dextra Calicem, & genuflexus Sacramentum adorat; tum se erigit, & reverenter accipit Hostiam inter Pollicem & Indicem dextræ manus, & cum ea super Calicem, r. quem manu sinistra tenet circa nodum infra cupam, signat ter à labio usque ad labium, dicens *Per ipsum, & cum ipso, & in ipso*: & similiter cum Hostia signat his inter Calicem & pectus, incipiens à labio Calicis, & dicit *Est tibi D E O Patri Omnipotenti, in Unitate Spiritus sancti*. Deinde tenens manu dextra Hostiam super Calicem, sinistrâ Calicem, elevat eum aliquantulum simul cum Hostia dicens *Omnis honor & gloria*: & statim utrumque deponens, Hostiam deponit super Corporale, &, si opus sit, digitos extergit, ut suprà, ac Pollices & Indices, ut priùs, jungens Calicem Pallâ cooperit.

R. Mediâ scilicet voce, quâ tamen sola hæc tria verba pronunciat.

S. Non tamen omnibus digitis, sed tribus postremis duntur ad taxat.

T. Non pauci hanc triplicem Crucem faciunt intra Calicem, sed hoc non est necesse, cùm Rubrica tantùm jubeat fieri illas Cruces *super Calicem*.

IV. In Missa solemini, cùm Celebrans dicit *Per quem hæc omnia*, Diaconus factâ Sacramento genuflexione, accedit ad dexteram Celebrantis, & quando opus est, discooperit Calicem, & cum Celebrante adorat:

240 *Pars VI. Rubricæ de Ritibus Missæ*  
adorat : Similiter cooperit, & iterum genuflectit u.  
Cùm incipit *Pater noster*, idem vadit retrò post Ce-  
lebrantem , factâ priùs Sacramento genuflexione,  
ubi stat , dum dicitur *Oratio Dominica*.

v. Quas tamen genuflexiones solus h̄c Diaconus , non  
autem alij Ministri cum Celebrante faciunt , quia solus Dia-  
conus propriè illi assistit , ut notat Gavantus p. 2. tit. 9. lit. N.

## T I T U L U S X.

### *DE ORATIONE DOMINICA, ET ALIIS VSQVE AD FACTAM COM- MVNIONEM.*

I. C elebrans cooperito Calice , adoratōque Sa-  
cramento , erigit se , & manibus extensis hinc  
ānde super Altare positis , dicit intelligibili voce *Per*  
*omnia s̄ecula s̄eculorum* , & , cùm dicit *Oremus* , jungit  
manus , caput Sacramento inclinans . Cùm incipit  
*Pater noster* , extendit manus , & stans oculis ad Sa-  
cramentum intentis , prosequitur usque ad finem . x.  
Responso à Ministro *Sed libera nos à malo* , & à Ce-  
lebrante submissa voce *Amen* , manu dextera , Polli-  
ce & Indice non disjunctis , Patenam aliquantulum  
Purificatorio extergens , eum accipit inter Indicem  
& medium digitos , quam tenens super Altare y. e-  
rectam , sinistrâ super Corporale positâ , dicit se-  
cretò *Libera nos quæsumus* .

X. Id est , usque ad *Sed libera nos à malo* exclusive ; hoc  
enim Minister dicit .

x. Ex hoc textu evincere voluit nonnulli , Patenam extra  
Corporale super Altari ponendam esse , cùm statim subjun-  
gant Rubricæ , sinistram manum super Corporale poni debe-  
re , atque adeò idem etiam de Patena dicturæ fuissent , si vo-  
luissent , eam super Corporale poni . Et fortè ideo etiam su-  
per solum Altare poni voluit , ne Corporale , quod ex tenui-  
plrum-

